

OKVIRNI SPORAZUM

za nabavku goriva za službena motorna vozila Ustavnog suda Bosne i Hercegovine

Zaključen između:

1. Ustavni sud Bosne i Hercegovine, ul. Reisa Džemaludina Čauševića broj 6/III Sarajevo, koga zastupa Zlatko M. Knežević, predsjednik Ustavnog suda BiH (u daljem tekstu: **Naručilac**),

i

2. HIFA-PETROL d.o.o., Hotonj bb, Sarajevo-Vogošća, ID broj 4200999090005, koga zastupa Hajrudin Ahmetlić, direktor (u daljem tekstu: **Isporučilac**),

Član 1.

Predmet ovog okvirnog sporazuma je nabavka i sukcesivna isporuka goriva za službena motorna vozila za potrebe **Naručioca** po specifikaciji iz ponude **Isporučioca** broj JN-2369/18 od 30. maja 2018. godine, koja je sastavni dio ovog okvirnog sporazuma.

Član 2.

Ugovorena jedinična cijena goriva iz člana 1. ovog okvirnog sporazuma definisana je prihvaćenom ponudom **Isporučioca** broj JN-2369/18 od 30. maja 2018. godine i iznosi 1,93 KM bez PDV-a bez uračunatog popusta na jediničnu cijenu.

Okvirni sporazum se zaključuje sa procijenjenom vrijednosti, u iznosu do 21.000,00 KM bez uključenog PDV-a, odnosno 24.570,00 KM sa uključenim PDV-om.

Za robu iz stava 1. ovog člana utvrđuje se promjenjiva cijena u skladu sa zahtjevom za dostavu ponuda broj SU-08-517-4/18 od 18. maja 2018. godine, te će **Naručilac** prihvatiti promjene cijena ukoliko je na tržištu došlo do stvarne promjene cijena.

Za svaku promjenu cijena **Isporučilac** je dužan dostaviti Obavijest o promjeni cijena (OPC) motornih benzina, dizel goriva i lož ulja (ovjerenu od strane Federalnog ministarstva trgovine) – važeću na dan nabavke robe.

Član 3.

Isporučilac se obavezuje da sukcesivno i kontinuirano isporučuje robu **Naručiocu** u traženim količinama i propisane kvalitete, a u skladu sa potrebama **Naručioca**, na svim pumpnim stanicama **Isporučioca**, kvalitete koja odgovara kvalitetu iz tenderske dokumentacije.

Član 4.

Isporučilac će ustupiti maksimalno 50% od ukupne vrijednosti ovog okvirnog sporazuma podugovaraču. **Isporučilac** nema pravo, u cijelosti, ustupiti ugovorene aktivnosti podugovaraču.

Ukoliko se Naručilac saglasi da Isporučilac dio svojih obaveza povjeri podugovaraču, Isporučilac će ostati i dalje jedini odgovoran za izvršenje okvirnog sporazuma u cijelosti. Saglasnost za podugovaranje ne oslobađa Isporučiocu od bilo koje njegove obaveze prema ovom okvirnom sporazumu.

Uslovi podugovora podliježu i u skladu su sa uslovima ovog okvirnog sporazuma.

Propusti i greške podugovarača u realizaciji ugovorne obaveze, neće osloboditi obaveze i odgovornosti Isporučiocu za njegove obaveze po ovom okvirnom sporazumu.

Ukoliko podugovarač vrši realizaciju svojih aktivnosti suprotno ovom okvirnom sporazumu, Naručilac može pismenim putem zahtijevati od Isporučiocu da prekine podugovarački ugovor.

Angažovanje podugovarača i eventualan raskid podugovora ne može imati nikakvog uticaja na izmjenu cijene, rokova i drugih elemenata ovog okvirnog sporazuma.

Član 5.

Isporučilac se obavezuje da robu fakturiše jednom mjesečno, na osnovu otpremnih dokumenata (otpremnica i sl.) potvrđenih od strane Naručiocu da je robu preuzeo.

Naručilac se obavezuje da će odmah, a najkasnije u roku od 30 dana po prijemu zbirne fakture i fiskalnih računa za prethodni mjesec i važećeg OPC obrasca, ukoliko je došlo do promjene cijena na tržištu, proslijediti fakturu na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za kašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 6.

Ovaj okvirni sporazum zaključuje se na period od godinu dana, odnosno do njegovog ispunjenja.

Svaka od ugovornih strana može otkazati ovaj okvirni sporazum pismenim putem uz otkazni rok od 30 (trideset) dana iz razloga propisanih Zakonima o obligacionim odnosima u BiH.

Član 7.

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u BiH.

Član 8.

Sve eventualne sporove nastale pri realizaciji ovog okvirnog sporazuma ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


Član 9.

Ovaj okvirni sporazum stupa na snagu danom potpisivanja od strane ovlaštenih lica ugovornih strana.



Član 10.

Ovaj okvirni sporazum je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

Za Isporučioca:


Hajrudin Ahmetlić
Direktor

Za Naručioca:



Zlatko M. Knežević
Predsjednik Ustavnog suda BiH

Broj: 1420/18.
Sarajevo, 06-07-2017

Broj: **SU-08-517-12/18**
Sarajevo, 31.12.17.